

Evening Dogri (NSD) News

25 Oct. 2025

खबरां

- चुनां आयोग नै बिहार विधानसभा चुना च प्रचार दौरान राजनीतिक दलें ते मेदवारें थमां सिंथेटिक ते AI समग्री दे जिम्मेदारी नै उपयोग करने लेई आखेया।
- प्रधानमंत्री नरेन्द्र मोदी होर कल बडुलै 11 बजे 127में मन की बात च अपने विचार सांझा करगंन।
- केन्द्रीय स्वास्थ्य मंत्री जे.पी. नड्डा होरें स्वास्थ्य सेवा ते नवाचार च (AIIMS) दे नेतृत्व पर लौ पाई।
- भारत नै पाकिस्तान थमां अपने अवैध कब्जे आहले क्षेत्रें खासकरियै जम्मू-कश्मीर च गंभीर ते जारी मानवाधिकार उल्लंघनं गी रोकने दा आह्वान किता।
- भारत दा विदेशी मुद्रा भंडार 4.5 अरब डॉलर बदीयै 702 अरब डॉलर दे पार।
- पुरुष क्रिकेट च रोहित शर्मा दे शतक कन्नै भारत नै फाईनल मैच च 9 विकेट कन्नै जित्त हासल कीती, आस्ट्रेलिया नै 2-1 कन्नै ODI सीरिज़ जित्ती।

<><><><><><>

EC Advisory

चुनां आयोग नै राजनीतिक दलें मेदवारें ते प्रचार करने आहलें गी चुनां दौरान Synthetic तरीके कन्नै मिली दी जानकारी ते AI कन्नै बनाए गेदे Contents गी जम्मेवार तरीके कन्नै इस्तेमाल करने लेई आखेया। इसदे इलावा इस चाली दी सामग्री Metadata जां Caption च इकाई दा नां ते जेहड़ी इसदे बनाने आस्तै जिम्मेवार ऐ दा प्रमुख रूप कन्नै लिखेदा होना लोडचदा। आयोग नै कुसै बी सामग्री गी प्रकाशत करने जा अगगे भेजने, जेहड़ी गैर कनूनी ऐ ते उंदी सहमति दे बगैर कुसै बी व्यक्ति दी पंछान, रूप-रंग जां आवाज गी गलत तरीके कन्नै पेश करदी ऐ ते मतदाताएं गी गुमराह करने जा धोखा देने दे इरादे कन्नै बनाई गेदी ऐ। उसदे पर रोक लाने दा आह्वान कीता।

<><><><><><>

Bihar Elections

बिहार विधानसभा चुनाव च राष्ट्रीय जनतांत्रिक महागठबंधन दौनें गी गै बड़ी गिनतरी च बागी मेदवारें आसेया कड़ी चुनौती दा सामना करना पवा रदा ऐ। सत्ता च बनी दी भारतीय जनता पार्टी ते जनता दल (United) नै केई वर्तमान विधायकें गी टिकट नेंई दिता ऐ। राष्ट्रीय जनता दल दे केई साबका ते वर्तमान विधायक महागठबंधन दे आधिकारिक मेदवारें खलाफ चुनाव लड़ा दे ना। रोहतास जिले दे दिनारा विधानसभा क्षेत्र च साबका मंत्री ते साबका जनता दल (U) नेता जय कुमार सिंह NDA समर्थित राष्ट्रीय लोक मोर्चा दे मेदवार खलाफ बागी मेदवार दे रुपै च चुनाव लड़ा रदे हे। राष्ट्रीय लोक मोर्चा नै आलोक कुमार सिंह होरें गी मैदान च तुआरेया ऐ जिसलै जे RJD मेदवार गुड्डु कुमार चंद्रवंशी हुंदे खलाफ चुनाव लड़ा रदे ना। कैमूर जिले दी चैनपुर सीट पर महागठबंधन च सीट बटवारे पर सहमति नेंई बनने करी विकासशील इंसान पार्टी दे गोविंद बिंद ते RJD दे बृज किशोर बिंद इक-दुए दे खलाफ चुनाव लड़ा रदे ना। वैशाली जिले दी महुआ विधानसभा सीट पर RJD गी उन्दे साबका नेता तेज प्रताप यादव चुनौती देया रदे न, जिनेंगी RJD दे राष्ट्रीय अध्यक्ष लालू प्रसाद यादव होरें पार्टी थमां निष्कासित करी दिता हा। तेज प्रताप हुंदा मकाबला RJD दे आधिकारिक मेदवार मुकेश कुमार रोशन कन्नै ऐ। केई मजूदा विधायकें, साबका विधायकें ते साबका मंत्रीयें दे टिकट करने दे बाद बागी मेदवार दे रुपै च चुनावी मैदान च उतरने करी केई सीटें पर बड़े उलट-फेर दी बड़ी मेद ऐ।



PM MKB

प्रधानमंत्री नरेंद्र मोदी होर कल 26 अक्तूबर गी अपने रेडियो कार्यक्रम “मन की बात” दे राएं देश-बदेश च रौहने आहले श्रोताएं कन्नै अपने बचार सांझे करडना। हर म्हीने दे खीरले ऐतवारें दिनै 11 बजे प्रसारित होने आहले इस कार्यक्रम दी एह 127मीं किशत होग। एह कार्यक्रम आकाशवाणी समाचार दी वैबसाईट newsonair mobile ऐप्प पर बी प्रसारित कीता जाग। एहदे कन्नो-कन्नो एह प्रोग्राम आकाशवाणी समाचार, DD News, प्रधानमंत्री हुंदे दफ्तर ते सूचना ते प्रसारण मंत्रालय दे यू-ट्यूब चैनलें पर बी प्रसारित कीता जाग। आकाशवाणी जम्मू पर मन की बात दे तुरत मगरा एहदा डोगरी भाषा च अनुवाद प्रसारत कीता जाहग। डोगरी अनुवाद स्हाड़े श्रोता कल राती 8 बजे इक बारी परतिवै सुनी सकदे ना। आकाशवाणी दे क्षेत्रीय समाचार एकांश कल्लै दे मन की बात कार्यक्रम पर इक विशेष

परिचर्चा रातीं साङ्ङ 10 बजे प्रसारत करोग जिसी तुस स्हाङ्गे इस्से चैनल मिडीयम वेव 303 मीटर यानि 990 किलोहार्टस ते एफ.एम. 100.3 मैगाहार्टस पर सुनी सकदे हो।



Chhath Puja

छठ पूजा दो-चार दिन चलने आला उत्सव अज्ज थमां देश दे बक्ख-बक्ख हिस्सें च शुरु होआ रदा ऐ। छठ पूजा उत्सव सूर्य नारायण ते उंदी बहन छठी मैया दी पूजा गी समर्पित ऐ ते मनुक्खता ते परिवार दी भलाई-बेहतरी आस्तै प्रार्थना करने पर आधारित ऐ। प्रधानमंत्री नरेन्द्र मोदी होरें लोकें गी आखेया ऐ जे छठ पूजा कन्नै सम्बंधित गीते गी शेयर करन ते औने आलें दिनें च प्रधानमंत्री होर इनें गीतें गी पोस्ट करगंन। प्रधानमंत्री होरें सोशल मीडिया राएं आखेया जे बिहार ते देश दे होरनें हिस्सें च छठ पूजा गी मनाने दी तयारियें च श्रद्धालू अगगै गै रुज्जे दे न।



Special Trains

रेल मंत्रालय नै देयाली ते छठ पूजा दी तयारियें दे मद्देनजर यात्रियें दी सहूलत लेई 6 हजार शा मती स्पैशल ट्रेनां चलाने लेई मंजूरी दिती ऐ। अज्जै थमां शुरु होने आहले त्रै दिन दरान त्योहार दी भीङ्ग गी दिक्खदे होई 900 शा मती स्पैशल रेल गड्डियां चलगंन। मंत्रालय नै आखेया जे बिहार च तकरीबन 30 स्टेशनें च अतिरिक्त टिकट काउंडर, CCTV कैमरें ते यात्रियें लेई बाकी इंतजाम कीते गेदे न तां जे त्योहार दरान कोई असुविधा नेई होई सकै। पटना, मुजफ्फरपुर, दरभंगा ते गया च यात्रुएं गी कुसै बी सेहत सरबन्धी स्थिति गी दूर करने लेई मैडिकल बूथ लाए गेदे न।



Health Min.

केन्द्रीय स्वास्थ्य ते परोआर कल्याण मंत्री जे.पी. नड्डा होरें आखेया जे चिकित्सा विज्ञान, प्रशिक्षण ते स्वास्थ्य सेवा दे क्षेत्र च अखिल भारतीय आर्युर्विज्ञान, प्रशिक्षण ते स्वास्थ्य सेवा दे क्षेत्र च अखिल भारतीय आर्युर्विज्ञान संस्थान नै देशभर दे लोकें लेई उत्कृष्ट सेवा प्रदान कीती ऐ। दिल्ली स्थित (AIIMS) दे 50में दीक्षांत समारोह गी सम्बोधित करदे होई श्री मोदी होरें आखेया जे देश च स्नातक मैडिकल सीटां हुन 51 हजार शा बदाइयै इक लक्ख 29

हजार होई गई ऐ। स्नातकोतर मैडिकल सीटें दी गिनतरी बढियै कोई 78 हजार होई गेइयां ना।

<><><><><><>

India –Pak

संयुक्त राष्ट्र च भारत दे स्थाई प्रतिनिधि पर्वतानेनी हरीष होरें पाकिस्तान गी आखेया ऐ जे ओ जम्मू-कश्मीर दे अपने नजैज कब्जे आहले इलाकें च मनुक्खी अधिकारें दी गंभीर लोआंगना बंद करै। 80में संयुक्त राष्ट्र दिवस दे मौके पर लोआई गेदी इक खुल्ली बैहस दे दौरान सुरक्षा परिषद गी सम्बोधित करदे होई उनें आखेया जे जम्मू-कश्मीर सदा थमां गै भारत दा अनचुट हिस्सा ऐहा ऐ ते सदा बने दा रौहगा। उनें गलाया जे जम्मू-कश्मीर दे लोकें समें दी कसोटी पर खरी साबत होई दियें देसै दियें लोकतांत्रिक परम्पराएं ते संवैधानिक बवस्था दे मताबक अपने बुनियादी अधिकारें दा इस्तमाल कीता ऐ, पर पाकिस्तान ते ओहदे कब्जे आहले जम्मू-कश्मीर च लोकतंत्र ते मनुक्खी अधिकारें जनेई कोई चीज दिक्खने गी नेंई लब्धी। हरीष होरें अगगे आखेया कि भारत वसुधैव कुटुम्बकम आहली सोच ते नजरिए पर चलदे होई पुरी दुनिया गी इक परिवार मन्नदा ऐ ते इस्से सिद्धांत पर कायम जेहदे च हर कुसै लेई बरोबरी, न्यां, गरिमा ते समृद्धि दी पक्की बवस्था होऐ।

तोंआई वित्तीय कारवाई कार्य बल (FATF) नै पाकिस्तानी गी चेतावनी दिती ऐ जे अक्तूबर 2022 च ग्रे-लिस्ट थमां हटने दा मतलब ए नेंई ऐ, जे ओ मनी Loundring ते आतंकवादी वित्तपोषण थमां मुक्त होई जाग। फ्रांस च इक प्रैस कांफ्रैस दौरान FATF अध्यक्ष Elisa-de-Anda-Madrado होरें जोर देइयै आखेया जे पाकिस्तान सनें सब्भै देशें गी अपराधें दी रोकथाम ते उन्दे पर लगाम लाने दे उपाएं गी लागू करना जारी रखना लोड्चदा।

<><><><><><>

LIC False Report

भारतीय जीवन बीमा निगम नै The Washington Post अखबार दी उनें खबरें दा खंडन किता ऐ जिस च औदे पर अडाणी समूह दी कम्पनियियें च पैहे दे निवेश लेई रोडमैप तयार करने ते बाहरी कारकें दे प्रभा च अपने फैसले बदलने दा आरोप लाया हा। LIC नै आखेया जे सब्भै निवेश पूरी ईमानदारी ते तत्परता कन्नै किते जंदे न, इसने The Washington Post आसेया लाए गे आरोपें गी झूठा ते निराधार दस्सेया।

<><><><><><>

Foreign Exch Reserves

देशी दा बदेशी मुद्रा भंडार तकरीबन साङ्के चार अरब डॉलरें षा बधियै 702 अरब डॉलरें शा मता होई गेआ ऐ। भारती रिज़र्व बैंक आसेआ जारी हफ्तावार सांख्यिकीय अनुपूरक दे मताबक, पिच्छले हफ्ते दे दरान, सुन्ने दा भंडार बी तकरीबन 6 अरब 18 करोड डॉलर बधियै 108 अरब डॉलर शा मता होई गेआ ऐ। तोआई, मुद्रा परिसंपत्तियां 1 अरब 69 करोड डॉलर घटियै 570 अरब अमरीकी डॉलर पर आई गेइयां ना। अंतराश्ट्री मुद्रा कोश च केंद्री बैंक दी हिस्सेदारी 30 मिलियन डॉलर घटियै 4 अरब 60 करोड डॉलर रेही गेई ऐ।

<><><><><><>

India Day –Shanghai

शंघाई च आयोजित 7में बंड शिखर सम्मेलन च अज्ज भारत दिवस मनाया गया। इस कारजक्रम च देश दे विकास ते सुधार दे कन्नै तकनीकी प्रगति गी दर्शाया गया। शंघाई च भारत दे महावाणिज्य दूत प्रतीक माथुर, नीति आयोग दी उपाध्यक्ष सुमन बेरी ते वित्तीय सेवाएं प्रोद्योगिकी ते शिक्षा क्षेत्र दे मन्ने-परमन्ने व्यक्तियें ने इस कारजक्रम च हिस्सा लैता। भारतीय मिशन दौरान भारत दे हरित परिवर्तन ते ग्लोबल साउथ दे हिते गी ध्याना च रखदे होई जलवायु समता वित्रोपोषण पर विचार-विमर्श होआ। इस दरान आपूर्ति श्रृंखला पुनसरिखन, प्रोद्योगिकी ते आर्टिफिशल इंटैलिजेंस दे बदलावकारी प्रभा पर बी चर्चा होई।

<><><><><><>

IMD

भारतीय मौसम विभाग नै अडमान ते निक्कोबार द्वीप समूहें, आंध्र-प्रदेश, तटीय कर्नाटक, गुजरात च भारी बरखे दी पेशगोई कीती ऐ। विभाग नै अगले दंऊ दिनें लेई केरल, माहे, तमिनाडू, पुडुचेरी ते कराईकल च भारी बरखें दी पेशगोई कीती ऐ। मौसम विभाग नै केरल, माहे, कर्नाटक, लक्षद्वीप, तेलंगाना ते अडमान निक्कोबार द्वीप समूहें च अंधी-झक्खड़, शमानी बिजली ते तूड भरोचीदी अंधी चलने दी पेशगोई कीती ऐ।

<><><><><><>

TN Weather

तमिनाडू दे क्षेत्रीय मौसम विभाग नै चेन्नई थमां कोई 990 किलोमीटर ते विशाखापटन दे दक्खन पूर्व थमां बी इनी गै दूरी उप्पर ह्वा दे घट्ट दबा आहले क्षेत्र दे बंगाल दी खाड़ी दे दक्खन-पूर्व च केन्द्रित होने दी मेद बुज्झी ऐ। कल एदे गहरे दबा आहले क्षेत्र च बदलाव होने ते सोमवार तोड़ी चक्रवादी तूफान दा रुप लैने दा अनुमान ऐ। अगले 48 घंटे दौरान एदे उत्तर-पच्छिम दिशा च आंध्र-प्रदेश तट दी बक्खी बदने दी मेद ऐ। इस चक्रवाती तूफान थमां इस महीने दी 29 तरीख तोड़ी चेन्नई, Chengalpet, तिरुवल्लूर ते तटीय दक्खन आंध्र-प्रदेश सने तटीय जिले च भारी थमां मती गै भारी बरखा होने दी मेद ऐ। राज्य दे उत्तरी जिले च व्यापक रुप नै भारी थमां मती गै भारी बरखा होने दी संभावना ऐ। मछुआरें गी समुन्दर च नैई जाने दी सलाह दिती गई ऐ ते जेडे लोक समुन्दर च ऐन उनेंगी तुरत तट पर परतौने दी सलाह दिती गई ऐ।

<><><><><><>

Men's Cricket

पुरुष क्रिकेट च भारत नै सिडनी क्रिकेट ग्राउंड पर त्रै मैचें दी त्रीये ते अखीरले मैच च आस्ट्रेलिया गी 9 विकेटें कन्नै हराई दिता। एदे कोला पैहले मेजबान आस्ट्रेलिया 46 अशारिया 4 ओवर च 236 रन्ज पर आउट होई गई ते भारत गी 237 रन्जें दा लक्ष दिता। आस्ट्रेलिया नै टॉस जितियै पैहले बल्लेबाजी करने दा फैसला कीता। Matt Renshaw होरें आस्ट्रेलिया लेई सबभनें शा मते 56 रन्ज बनाए, जिसलै जे मिशेल मार्श नै 41 ते मैथ्यू –शार्ट नै 30 रन्जें दा योगदान दिता। तेज गेंदबाज हर्षित राणा नै 4 त स्पीनर वाशिंगटन सुंदर नै 2 विकेट लैते। भारत नै लक्ष्य दा पिच्छा करदे होई रोहित शर्मा नै अपना 33मां एकदिवसीय शतक लाया, जिसलै जे विराट कोहली नै अपना अर्धशतक पूरा कित। हालांकि आस्ट्रेलिया नै 3 मैचें दी एकदिवसीय श्रृंखला 2-1 दे अंतर कन्नै जिती लैती ऐ।

<><><><><><>